

Z A P I S N I K

sa X sjednice Senata Univerziteta održane 28.06.2007. godine sa početkom u 13,00 sati,
u sali za sjednice Rektorata Univerziteta u Tuzli

Sjednicom je predsjedavao predsjednik Senata prof.dr. Džemo Tufekčić, rektor Univerziteta.

Sjednici su prisustvovali: prof.dr. Admedina Savković, prof.dr. Mirsad Đonlagić, prof.dr. Srđan Vukadinović, prof.dr. Nevzeta Salihović, doc.dr. Ajša Mahmutagić, prof.dr. Reuf Kapić, prof.dr. Izudin Kešetović, doc.dr. Amir Tokić, doc.dr. Aljo Mujčić, prof.dr. Lejla Begić, prof.dr. Zlata Mujagić, prof.dr. Branimir Mikić, prof.dr. Azem Kožar, doc.dr. Bego Omerčević, prof.dr. Ramiz Šelo, prof.dr. Farid Ljuca, doc.dr. Hajro Kofrc, doc.dr. Izudin Hasanović, prof.dr. Fehim Dedagić, prof.dr. Abdulah Bašić, prof.dr. Izet Žigić, prof.dr. Mirjana Radić, prof.dr. Muhamed Bijedić, Ismet Pirić, dipl.ecc, Edin Eminović i Faruk Hadžić, studenti.

Sjednici nisu prisustvovali: prof.dr. Enver Mandžić, prof.dr. Snježana Marić, prof. Vlado Kerošević, doc.dr. Alija Biberović, doc.dr. Izet Alić, prof.dr. Kasim Muminhodžić, prof.dr. Salih Kulenović i Dario Mlinarić, student.

Osim članova Senata sjednici su prisustvovali: doc.dr. Edin Delić, predsjednik SVO i voditelj Ureda za osiguranje kvaliteta, Jasmina Berbić, dipl.pravnik – generalni sekretar Univerziteta i Mirsada Delić, dipl.pravnik – sekretar Senata.

Sjednici nije prisustvovao: Amir Mešković, stalni predstavnik SVO.

Prije razmatranja predloženog dnevnog reda i prijedloga za dopunu, Rektor Univerziteta informisao je Senat da je 27.06.2007. godine održana Skupština TK, kojoj je prisustvovao sa predsjednicom Upravnog odbora Univerziteta. Na istoj je usvojen Izvještaj o radu Univerziteta u Tuzli za 2006. godinu, kao i pravci budućih djelovanja, koje je ovom prilikom pročitao. Izrazio je svoje zadovoljstvo i čestitao svima na Izvještaju o radu. Pored ostalog, na Skupštini TK diskutovalo se o mitu, korupciji i prodaji knjiga na Filozofskom i Ekonomskom fakultetu, pa je zatražio da se o ovome sačini Izvještaj.

Pomenuo je i impresije sa Rektorske konferencije, na kojoj su predstavnici Univerziteta ostavili snažan dojam.

Dos.dr. Edin Delić informisao je Senat da su u toku aktivnosti oko osnivanja novog Sindikata na Univerzitetu u Tuzli i podsjetio da postojeći Sindikat u periodu konstituisanja nije imao ni jednu aktivnost na Univerzitetu i zamolio da novi Sindikat ima isti tretman.

Nakon razmatranja predloženog dnevnog reda i prijedloga za dopunu, za ovu sjednicu utvrđen je slijedeći

DNEVNI RED

1. Usvajanje Zapisnika sa IX sjednice i Izvještaja o realizaciji odluka i zaključaka Senata Univerziteta u Tuzli
2. Verifikacija mandata članovima Senata Univerziteta – predstavnicima studenata Univerziteta po grupacijama Fakulteta
3. Donošenje Odluke o imenovanju komisije za nostrifikaciju inozemne diplome
4. Donošenje Odluke o raspisivanju Konkursa za izbor u naučno-nastavna i saradnička zvanja na Univerzitetu u Tuzli
5. Donošenje Odluke o izboru kandidata u naučno-nastavna i saradnička zvanja na Univerzitetu u Tuzli

6. Imenovanje Komisije za čitanje Nastavnih planova i programa dodiplomskog studija na Fakultetima/Akademiji Univerziteta u Tuzli, sa početkom primjene od školske 2007/08. godine
7. Odluka o imenovanju Komisije za izradu prijedloga Pravilnika o naučnim i umjetničkim područjima, podpodručjima, oblastima, granama, razredima i podrazredima u okvirima studijskih profila koji se izučavaju na Univerzitetu u Tuzli
8. Donošenje Odluke o obrazovanju komisija za doktorske disertacije
- 8.1. Obrazovanje Komisije za ocjenu uslova kandidata za sticanje naučnog stepena doktora nauka i podobnosti teme za izradu doktorske disertacije
9. Inicijativa za izmjene i dopune Pravilnika o grupama poslova i zadataka i okvirnih koeficijenata za obračun plaća u javnim ustanovama visokog obrazovanja
10. Tekuća pitanja i informacije

TAČKA 1.

USVAJANJE ZAPISNIKA SA IX SJEDNICE I IZVJEŠTAJA O REALIZACIJI ODLUKA I ZAKLJUČAKA SENATA UNIVERZITETA U TUZLI

Zapisnik sa IX sjednice i izvještaj o realizaciji odluka i zaključaka Senata Univerziteta usvojen je jednoglasno i bez primjedbi.

TAČKA 2.

VERIFIKACIJA MANDATA ČLANOVIMA SENATA UNIVERZITETA – PREDSTAVNICIMA STUDENATA UNIVERZITETA PO GRUPACIJAMA FAKULTETA

U vezi sa Odlukom Udruženja studenata Univerziteta u Tuzli od 23.06.2007. godine, o imenovanju predstavnika studenata u Senat Univerziteta, Senat Univerziteta donio je

2.

O D L U K U

o dopuni Odluke Senata Univerziteta od 24.01.2007. godine i verifikaciji mandata novim članovima Senata Univerziteta u Tuzli

I

Vrši se dopuna Odluke Senata Univerziteta broj: 03-300/07 od 24.01.2007. godine, o verifikaciji mandata članovima Senata Univerziteta u Tuzli u novom sazivu i verifikuje se mandat novim članovima Senata Univerziteta u Tuzli iz reda studenata i to:

Udruženje studenata Univerziteta

- Edin Eminović, student Fakulteta elektrotehnike - predsjednik Unije studenata Univerziteta u Tuzli (USUT-a) i predstavnik studenata iz grupacije fakulteta tehničkih nauka;
- Faruk Hadžić, student Ekonomskog fakulteta – predstavnik studenata iz grupacije fakulteta društvenih nauka i
- Dario Mlinarić, student Farmaceutskog fakulteta – predstavnik studenata iz grupacije fakulteta prirodnih nauka.

II

Mandat članova Senata Univerziteta iz tačke I ove Odluke traje dvije godine, odnosno do isteka mandata članovima Senata u novom sazivu, tj. do 24. januara 2009. godine.

TAČKA 3.

DONOŠENJE ODLUKE O IMENOVANJU KOMISIJE ZA NOSTRIFIKACIJU INOZEMNE DIPLOME

Nakon razmatranja tabelarnog pregleda prispjelih zahtjeva za nostrifikaciju inozemnih diploma, te prijedloga Fakulteta Univerziteta u Tuzli za obrazovanje Komisija, Senat Univerziteta donio je

ODLUKE

o imenovanju Komisija za nostrifikaciju inozemnih diploma

3.1.

Imenuje se Komisija za nostrifikaciju inozemne diplome o stečenom stručnom nazivu: Profesor biologije, (u daljem tekstu: Komisija), kandidata **Elvire Korman**, u sastavu:

1. **dr.sc. Rifet Terzić, redovni profesor** za užu naučnu oblast «Genetika, citologija i mikrobiologija», Prirodno-matematički fakultet Univerziteta u Tuzli, predsjednik;
2. **dr.sc. Jasminka Hadžihalilović, docent** za užu naučnu oblast «Genetika, citologija i mikrobiologija», Prirodno-matematički fakultet Univerziteta u Tuzli;
3. **Senada Omazić, dipl.pravnik** – sekretar Komisije.

ODLUKU

o stavljanju van snage Odluke Senata Univerziteta o imenovanju Komisije za nostrifikaciju inozemne diplome

3.2.

Stavlja se van snage Odluka Senata Univerziteta broj: 03-2392-11.4/07 od 25.04.2007. godine, o imenovanju Komisije za nostrifikaciju inozemne diplome.

3.3.

Imenuje se Komisija za nostrifikaciju inozemne diplome o stečenom stručnom nazivu: Diplomirani inženjer sigurnosti – smjer: Zaštita na radu, (u daljem tekstu: Komisija), kandidata **Stanka Bošnjak**, u sastavu:

1. **dr.sc. Abdulah Bašić, redovni profesor** za nastavni predmet «Provjetravanje», Rudarsko-geološko-građevinski fakultet Univerziteta u Tuzli, predsjednik;
2. **dr.sc. Božo Tomić, vanredni profesor** za užu naučnu oblast «Podzemna eksploatacija», Rudarsko-geološko-građevinski fakultet Univerziteta u Tuzli;
3. **dr.sc. Abduselam Adilović, vanredni profesor** za nastavni predmet «Sigurnost i zaštita u rudarstvu», Rudarsko-geološko-građevinski fakultet Univerziteta u Tuzli;
4. **dr.sc. Sabit Begić, redovni profesor** za nastavni predmet «Zaštita u industriji» Tehnološki fakultet Univerziteta u Tuzli;
5. **Nermina Hadžić, dipl.pravnik** – sekretar Komisije.

3.4.

Imenuje se Komisija za nostrifikaciju inozemne diplome o stečenom stručnom nazivu: Univerzitetska diplomirana pravica, (u daljem tekstu: Komisija), kandidata **Majde Merić** iz Tuzle, u sastavu:

1. **dr.sc. Senad Mulabdić, docent** za nastavni predmet «Građansko pravo», Pravni fakultet Univerziteta u Tuzli, predsjednik;
2. **dr.sc. Tadija Bubalović, docent** za nastavne predmete «Krivično-procesno pravo» i «Krivično pravo», Pravni fakultet Univerziteta u Sarajevu;
3. **dr.sc. Izudin Hasanović, docent** za nastavni predmet «Osnovi demokratije», Filozofski fakultet Univerziteta u Tuzli;
4. **Munevera Redžić, dipl.pravnik** – sekretar Komisije.

TAČKA 4.

DONOŠENJE ODLUKE O RASPISIVANJU KONKURSA ZA IZBOR KANDIDATA U NAUČNO-NASTAVNA I SARADNIČKA ZVANJA NA UNIVERZITETU U TUZLI

Nakon razmatranja prijedloga Naučno-nastavnih vijeća Fakulteta za tjelesni odgoj i sport, Mašinskog i Prirodno-matematičkog fakulteta Univerziteta u Tuzli, za raspisivanje Konkursa za izbor kandidata u naučno-nastavna i saradnička zvanja, Senat Univerziteta donio je slijedeću

4.

O D L U K U

I

Raspisuje se Konkurs za izbor kandidata u naučno-nastavna i saradnička zvanja na Fakultetu za tjelesni odgoj i sport, Mašinskom i Prirodno-matematičkom fakultetu Univerziteta u Tuzli (u daljem tekstu: Konkurs).

II

Sastavni dio ove Odluke čini tekst Konkursa.

TAČKA 5.

DONOŠENJE ODLUKE O IZBORU KANDIDATA U NAUČNO-NASTAVNA I SARADNIČKA ZVANJA NA UNIVERZITETU U TUZLI

Nakon razmatranja prijedloga Umjetničko-nastavnog / Naučno-nastavnih vijeća: Akademije dramskih umjetnosti, Edukacijsko-rehabilitacijskog, Farmaceutskog, Prirodno-matematičkog i Tehnološkog fakulteta, za izbor kandidata u umjetničko-nastavna, naučno-nastavna i saradnička zvanja na Univerzitetu u Tuzli, **Senat Univerziteta donio je**

O D L U K E

o izboru kandidata u umjetničko-nastavna, naučno-nastavna i saradnička zvanja i zaključke

5.1.

Dragana Đukić, dipl.menadžer umjetničke produkcije, bira se u zvanje **docenta** za užu umjetničku oblast «**Filmska i televizijska produkcija**» na Akademiji dramskih umjetnosti Univerziteta u Tuzli.

Imenovani se bira za vrijeme od pet godina i može biti ponovo izabran u isto ili više zvanje.

5.2. Zaključak:

Vraća se na preispitivanje i doradu prijedlog Naučno-nastavnog vijeća Edukacijsko-rehabilitacijskog fakulteta broj: 02/2-4656.7/07 od 21.06.2007. godine, za izbor Mirele Divanefendić, dipl.defektolog-surdoaudiolog, u zvanje asistenta za užu naučnu oblast «**Surdoaudiologija**» na Edukacijsko-rehabilitacijskom fakultetu Univerziteta u Tuzli.

5.3.

Dr.sc. Tamara Bosnić, bira se u zvanje **docenta** za nastavne predmete «**Farmaceutska botanika I**» i «**Farmaceutska botanika II**» na Farmaceutskom fakultetu Univerziteta u Tuzli.

Imenovana se bira za vrijeme od pet godina i može biti ponovo izabrana u isto ili više zvanje.

5.4.

Mr.sc. Aldina Kesić, asistent, bira se u zvanje **višeg asistenta** za užu naučnu oblast «**Opšta i neorganska hemija**» na Prirodno-matematičkom fakultetu Univerziteta u Tuzli.

5.5.

Mr.sc. Mirna Udovičić, asistent, bira se u zvanje **višeg asistenta** za užu naučnu oblast «**Algebra i matematička logika**» na Prirodno-matematičkom fakultetu Univerziteta u Tuzli.

Imenovane se biraju za vrijeme od pet godina i mogu biti ponovo izabrane u isto zvanje, ako steknu naučni stepen doktora nauka.

5.6.

Dr.sc. Hatidža Pašalić, docent, ponovo se bira u zvanje **docenta** za užu naučnu oblast «**Analitička hemija**» na Tehnološkom fakultetu Univerziteta u Tuzli.

Imenovana se bira za vrijeme od pet godina i može biti ponovo izabrana u isto ili više zvanje.

TAČKA 6.

IMENOVANJE KOMISIJE ZA ČITANJE NASTAVNIH PLANOVA I PROGRAMA DODIPLOMSKOG STUDIJA NA FAKULTETIMA/AKADEMIJI UNIVERZITETA U TUZLI, SA POČETKOM PRIMJENE OD ŠKOLSKE 2007/08. GODINE

Nakon razmatranja prijedloga Kolegija rektorata Univerziteta od 26.06.2007. godine, Senat Univerziteta donio je slijedeći

6.

Z A K L J U Č A K

Zadužuju se dekani Fakulteta/Akademije Univerziteta u Tuzli, prof.dr. Admedina Savković, prorektor za nastavu i studentska pitanja i doc.dr. Edin Delić, koordinator Ureda za kvalitet, da održe sastanak u utorak, 03.07.2007. godine, zbog usaglašavanja daljih aktivnosti u vezi sa imenovanjem Komisije za čitanje Nastavnih planova i programa dodiplomskog studija na Fakultetima/Akademiji Univerziteta u Tuzli sa početkom primjene od školske 2007/08. godine.

TAČKA 7.

ODLUKA O IMENOVANJU KOMISIJE ZA IZRADU PRIJEDLOGA PRAVILNIKA O NAUČNIM I UMJETNIČKIM PODRUČJIMA, PODPODRUČJIMA, OBLASTIMA, GRANAMA, RAZREDIMA I PODRAZREDIMA U OKVIRIMA STUDIJSKIH PROFILA KOJI SE IZUČAVAJU NA UNIVERZITETU U TUZLI

Na prijedlog Ureda za nastavu i studentska pitanja od 28.06.2007. godine, nakon obavljene rasprave, Senat Univerziteta donio je

7.

ODLUKU

o imenovanju Komisije za izradu prijedloga Pravilnika o naučnim i umjetničkim područjima, podpodručjima, oblastima, granama, razredima i podrazredima u okvirima studijskih profila koji se izučavaju na Univerzitetu u Tuzli

I

Imenuje se Komisija za izradu prijedloga Pravilnika o naučnim i umjetničkim područjima, podpodručjima, oblastima, granama, razredima i podrazredima u okvirima studijskih profila koji se izučavaju na Univerzitetu u Tuzli (u daljem tekstu: Pravilnik), u sastavu:

1. Prof.dr. Admedina Savković, predsjednik,
2. Prof.dr. Mirsad Đonlagić, član,
3. Prof.dr. Enver Mandžić, član,
4. Prof.dr. Farid Ljuca, član
5. Prof.dr. Abdulah Bašić, član,
6. Prof.dr. Fehim Dedagić, član,
7. Doc.dr. Hajro Kofrc, član,
8. Jasmina Berbić, dipl.pravnik, član,
9. Zlatan Begić, asistent, član.

II

Zadatak Komisije iz tačke I ove Odluke je da:

- izradi Nacrta Pravilnika o naučnim i umjetničkim područjima, podpodručjima, oblastima, granama, razredima i podrazredima u okvirima studijskih profila koji se izučavaju na Univerzitetu u Tuzli, prilagođen organizovanim studijskim profilima na kojima se vrši obrazovanje kadrova za sva tri nivoa obrazovanja, usaglašeno sa Nastavnim planovima i programima u primjeni od akademske 2007/08. godine;
- da prijedlog stručnih i naučnih naziva koji će se sticati na Univerzitetu u Tuzli, diplomama za sva tri ciklusa obrazovanja.

III

Komisija je dužna da Nacrt Pravilnika dostavi Rektorima Univerziteta u Tuzli do 12.09.2007. godine.

TAČKA 8.

DONOŠENJE ODLUKE O OBRAZOVANJU KOMISIJA ZA DOKTORSKE DISERTACIJE

8.1. Obrazovanje Komisije za ocjenu uslova kandidata za sticanje naučnog stepena doktora nauka i podobnosti teme za izradu doktorske disertacije

Nakon razmatranja prijedloga prijedloga Naučno-nastavnog vijeća Tehnološkog fakulteta od 01.06.2007. godine, i prijedloga prof.dr. Mirjane Radić, dekana Fakulteta, **Senat Univerziteta donio je**

8.1.1.

ZAKLJUČAK

Na prijedlog prof.dr. Mirjane Radić, dekana Tehnološkog fakulteta, povlači se na doradu prijedlog Naučno-nastavnog vijeća Tehnološkog fakulteta broj: 02/9-3882/07-4.1 od 01.06.2007. godine, za obrazovanje Komisije za ocjenu uslova kandidata mr.sc. Šefkije Botonjića, dipl.ing.tehnologije, za sticanje naučnog stepena doktora nauka i podobnosti teme za izradu doktorske disertacije pod nazivom: «Uticaj unosa recikliranih vlakana u proizvodnji kraft liner papira na fizikalno-mehanička svojstva papira kao limitirajućeg faktora u primjeni finalnog proizvoda».

TAČKA 9.

INICIJATIVA ZA IZMJENE I DOPUNE PRAVILNIKA O GRUPAMA POSLOVA I ZADATAKA I OKVIRNIH KOEFICIJENATA ZA OBRAČUN PLAĆA U JAVNIM USTANOVAMA VISOKOG OBRAZOVANJA

Rektor Univerziteta informisao je Senat Univerziteta o pokrenutoj inicijativi za izmjene i dopune Pravilnika o grupama poslova i zadataka okvirnih koeficijenata za obračun plaća u javnim ustanovama visokog obrazovanja, koja je 01.06.2007. godine dostavljena Ministarstvu obrazovanja, nauke, kulture i sporta TK. Nakon datog obrazloženja i obavljene rasprave, Senat Univerziteta istu je podržao u istovjetnom tekstu.

Prilog Zapisniku - tački 9. je navedena Inicijativa.

TAČKA 10.

TEKUĆA PITANJA I INFORMACIJE

Drugih pitanja i informacija nije bilo pa je sjednica Senata Univerziteta završena u 16,45 sati.

SEKRETAR SENATA

Mirsada Delić, dipl.pravnik

UNIVERZITET U TUZLI

Broj: 03-4641-1/07.

Tuzla, 28.06.2007. godine

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.